

青泥蓮花記

青泥蓮花記卷十二 外編四

江東梅禹金纂輯 從弟梅誕生校

記藻四

周月仙 宋二

周月仙者宋餘杭名妓也意態風采精神豔冶尤工于詞翰柳耆卿東京才子丰姿洒落年甫二十五歲來宰茲郡造翫江樓于水滸每召月仙至樓上歌唱柳欲私之周拒而不從柳訪知與隔渡黃負外情密每夜用舟往來柳命舟人

淫辱之舟入聽命一晚見月仙獨下舟渡河舟  
人強淫月仙月仙不得已而從之惆悵作詩一  
絕自嘆身為妓遭淫不敢言羞歸明月渡懶上  
載花船次日排宴于翫江樓召月仙佐酒令舟  
人在傍酒畔柳歌月仙之詩月仙惶愧拜謝與  
耆卿歡洽耆卿大喜而作詩曰佳人不奉耆  
卿却駕孤舟犯夜行殘月曉風楊柳岸肯教辜  
負此時情詩罷月仙謝耆卿而歸自此日夕常  
侍耆卿之側耆卿亦因此日損其名

翫江樓記  
○此出小

說家不足為  
據聊復存之

胡楚龍靚

杭妓胡楚龍靚皆有詩名胡贈所歡詩云不見  
當時丁令威年來到處是相思若將幽恨同芳  
草却恐青青有盡時張子野老于杭多為官妓  
作詞而不及靚靚獻詩曰天與羣芳十樣詭獨  
慙顏色不堪誇牡丹芍藥人題徧自分身如鼓  
子花子野於是為作望江南詞云青樓宴靚女  
燕瑤杯一曲白雲江月滿際天拖練夜潮來人

物誤瑤臺○醺醺酒拂拂上雙腮媚臉已知

淡粉香紅金勝雪籠梅標格外塵埃○后山詩話

嬌○陳述古守杭時齋閣中有絕句二首綽約新

好似春潮底侵尋舊事上眉尖問君別後愁多少

金釵露指光萬斛閒愁何長垂玉筍殘粧臉肯為誰

添蓋為佳人叙幽思也蘇子瞻嘗書此詩并周

胡龍三妓詩作一卷元時柯敬仲得之虞邵菴

伯生題其後云低今誰是錢唐宅頗解湖中宿

畫船曉起聞茶龍井畔花開陌上載輝煥三吐

石上舊精魂邂逅相逢莫重論縱有繡囊贏得春

風對客詩乞食衲衣渾未老為誰靈塔向金沙

話云子閱詩女史有誤附辨于此若溪漁隱叢

而作然則謹厚者亦復為之耶其曲云妾家鄧

知國肯愧耶郭妹世本富縉河嬌愛比明珠  
 五學組善歌未嘗開戶樞十娛六矢所應姓明  
 間十數涼溫忽在君邀燕娛自茲著樂府不  
 同羅逢豁隨昨一日見即朝大夫相歡結及  
 何異逢豁隨昨一日見即朝大夫相歡結及  
 此舊暫隔云味如見遂從定步千理金  
 山青如馬中乘白雪駒送郎郎如雲中鴟雨  
 孤不湖魚鳥尚雙託妾綠蒲與俱去法紛春  
 終平湖魚鳥尚雙託妾綠蒲與俱去法紛春  
 時吐頻指開干數東風若見郎重為歌金縷  
 接此本先都官詩漁隱所述明其詩女史竟  
 南陽倡別離曲誤且此詩今宛陵集見載宋  
 臣輯宛陵遺詩四萬餘篇為梅聖俞外集自  
 序王太史語予否祕府別有錄  
 本未審即外集否惜未及傳

青幕子婦

往時青幕之子婦妓也善為詩詞同府以詞挑之妓荅曰清詞麗句永叔子瞻曾獨步似恁文章寫得出来當甚強

後山詩話○減字木蘭花前半也

尹溫儀

復齋漫錄姑蘇妓蘇嬖行九蔡元長過蘇聞瓊能詞命即席為之請

韻以九字云

成都妓尹溫儀本良家女後以零替失身妓籍蔡相帥成都酷愛之尹告蔡乞除樂籍蔡戲曰若樽前成一小闕便可除免尹曰乞腔調蔡荅以西江月尹又乞嚴韻蔡曰汝排行十九用九

字即便應聲云韓愈文章蓋世謝安才貌風流  
良辰開宴在西樓敢勸一杯芳酒○記得南宮  
高過弟兄爭占鰲頭一門玉殿御香浮名在甲  
科第九蓋取蔡第九人弟元度第十一人也景漫錄作情性開宴作美  
爭作都一門作金蟻

成都郭帥席上賦木蘭花慢

浣花溪上風光主燕夕桃源開幕府商畧本是  
作霖人也使閑花沾雨露○父兄世業傳儒素  
何事失身非類侶若蒙化筆一吹噓免使飄零



飛綉戶

陳鳳儀

送蕭繡圖一落索

一作送人

蜀江春色遠如霧擁雙旌歸去海棠如別君

難一點點啼紅雨此去馬蹄何處沙堤新路

禁林賜宴賞花時還憶看西樓否唐宋詞選

周氏夷堅志同與筑作合歡紅綬帶自縊

于南山極樂院有知之者共排闥解

陳筑字夢和莆田人崇寧初登第為福州古田

尉既至官惑一倡周氏周能詩嘗有詩贈筑曰  
夢和殘月過樓西月過樓西夢已迷喚起一聲  
腸絳處落花枝上鷓鴣啼首句蓋寓筑字也又  
有春晴詩曰驚然飛過誰家燕幕地香來甚處  
花深院日長無個事一瓶春水自煎茶詩談

合生詩詞散樂妓

洪惠英

江浙間路岐女有慧黠知文墨能於席上指物  
題詠應命輒成者謂之合生其滑稽含詼諷者  
謂之喬合生蓋京都遺風也張安國守臨川王

宣子解廬陵郡印歸次撫安國置酒郡齋招郡  
士陳漢卿參會適散樂一伎言學作詩漢卿語  
之曰太守呼為五馬今日兩州使君對席遂成  
十馬汝體此意作八句妓疑立良久即高吟曰  
同是天邊侍從臣江頭相遇轉情親瑩如臨汝  
無瑕玉宛作廬陵有脚春五馬今朝成十馬兩  
人前印壓平人便看飛詔催歸去共坐中書秉  
化鈞安國為之嗟賞竟日賞以萬錢予守會稽  
有歌諸官調女子洪惠英正唱詞次忽停鼓白

曰惠英有述懷小曲顛容舉似乃歌曰梅花似  
雪剛被雪來相挫折雪裏梅花無限精神總屬  
他傍花無語只有東君來作主傳語東君且與  
梅松竹主人歌畢再拜云梅者惠英自喻非敢  
備舉若花姑以借喻雪者指亡賴惡少也官奴  
因言其人到府一月而遭惡子困擾者至四五  
故情見乎詞在流輩中誠不易得洪迈夷堅志  
○西閨寄梅  
記本歲花詞與此全同所謂予守會稽者即近也自其親值不應有誤

吳淑姬

湖州吳秀才女慧而能詩詞貌美家貧為富氏  
子所據或投郡訐其姦淫王龜齡為太守逮係  
司理欲既伏罪且變徒刑郡僚相與諸理院覲  
之乃其酒引使至席風格傾一座遂命脫枷侍  
飲諭之曰知汝能長短句宜以一章自咏當宛  
轉白待制為汝解脫不然危矣女即請題時冬  
末雪消春日且至令道此景作長短白女投筆  
立成其相思曰烟霏霏雨霏雪向梅花枝上  
堆從何處回醉眼開睡眼開疎影橫斜安在

哉從教塞管催諸客賞歎為之盡歡明日以告  
王公言其冤王淳直不疑人欺亟使釋放其後  
無人肯禮娶周介卿石之子買以為妾名曰湫  
姬王三恕時為司戶攝正理治此獄小詞藏其

虞

虞志

惜分飛

送別

岸柳依依拖金縷是我朝來別處惟有多情絮  
故來衣上留人住兩眼啼紅空彈與未見桃  
花又去一片征帆舉斷腸遙指茗溪路

小重山 春愁

謝了荼蘼春事休。無多花片子。綴枝頭。底槐影  
碎。被風揉。鶯雖老。聲尚帶。嬌羞子。獨自倚粧樓。  
一川烟草。浪襯雲浮。不如歸去。下簾鉤。心兒小。  
難着許多愁。

祝英臺近

粉痕銷。音信斷。好夢又無據。病酒無聊。欹枕聽  
寒雨。斷腸曲曲。屏山溫溫。沉水盡。是舊看承人  
處。久離阻。誰念一點芳心。閒愁知幾許。偷照

菱花清瘦自羞覷  
可堪梅子黃時楊花飛盡亂  
鶯鬧催春歸去

並唐樂  
詞選

### 蜀妓

趙清獻帥蜀日有妓戴杏花清獻喜之戲謂之  
曰頭上杏花真可幸妓應聲曰枝間梅子豈無  
媒趙益喜夜謂直宿老兵曰汝識某妓所居乎  
曰識之曰為我呼來去幾二鼓不至復令人速  
之旋又令止之老兵忽自幙後出公怪問之兵  
曰某度相公不過一個時辰此念息矣雖承命



實未往它日置酒公猶却此妓使勿進

鄭景望  
紀聞

### 樂琬

施酒監贈杭妓樂琬卜筭子詞云相逢情便深  
恨不相逢早識盡千千萬萬人終不似伊家好  
○別你登長道轉更添煩惱柳外朱樓獨倚闌  
滿目圍芳草琬答施云相思似海深舊事如天  
遠淚滴千萬萬行更使人愁腸斷○要見無  
因見拚了終難掩若是前生未有緣待重結來  
生願

古今  
詞話

楊府倡

乾道中滁州教授考試于楊府既出院赴郡集  
帥命伎侑觴教授者僇子也呼一倡歌於側怒  
其不如指謂之曰大府樂籍却山野如此倡徐  
徐答曰環滁皆山也此客愕然終席不復敢出  
一語夷堅支志○支志又載云江淮閩浙土俗  
各異類細民或相犯至于鬪擊宣和中真州倡  
迎新守于維揚揚守置酒大合兩邦妓樂揚州  
諱飲耳真州諱火火禁頭揚自恃會府意輕屬城  
故令茶酒兵燕火而有烟燄使小鬟戒之已而  
不止呼責之曰貴官在大廳上張筵如何燒火  
不謹却着熱頭咄置再四真倡笑語兵曰行首

三四度指揮何得不聽汝是有  
耳朶邪沒耳朶邪揚倡大慙

### 蘇翠

蘇氏建寧人淳祐間流落樂籍以蘇翠名能八  
分書書史口淳祐間吳妓徐蘭名擅一時堂館  
學生邊雲遇為誌其墓云其後如富沙之唐娟  
魏華蘇翠京口之耶藥韓香越之楊花繆翠皆  
以色藝稱士大夫之不自檢者  
往往為其所污屢見白簡云

### 妓對

有郡丞席上作對屬云酒熱不須湯醖湯一妓

對曰廳涼無用扇車扇

文酒清話

朱雲楚

賴妓朱雲楚子卿警慧知書趙時逢遜可為守  
嘗會客果實有炮栗趙指之曰栗綻縫黃兒坐  
客屬對皆莫能楚輒曰妾有對取席間鵝片以  
進曰鵝銜露絲飛趙大奇之談麈

某邑妓

某邑宰因預借違旨遭按而歸某府府將乃宰  
公之故舊因留連而燕飲之有妓惠黠得宰罷  
官之由時方仲秋忽歌漁家傲十月小春梅蕊

綰率曰何太早耶荅曰乃先借也宰大慚

行都紀事

平江伎

嘉定間平江一伎女送太守賀新郎詞曰春色  
元無主荷東君著意看承等閒分付多少無情  
風浪又那更蝶欺蜂妬算燕雀眼前無數縱使  
簾櫳能變護到如今已是成遲暮芳草碧遮歸  
路○看看做到難言處怕見仙郎旌旗輕易歌  
襦袴月滿西樓絃索靜雲蔽崑城閭府便任他  
一帆輕舉獨倚闌干愁碎慘玉容淚眼如紅雨

去與住兩難訴

豹隱紀談

都下妓

此本歐公送貢父詞

有時相本寒生及登台位嘗以措大自負生日  
都下有一妓易朝中措數字為壽曰屏山欄檻  
倚晴空山色有無中手種庭前桃李元作亭別  
來幾度春風文章宰相元作太守揮毫萬字一飲千  
鍾行樂不須元作直須年少目前看取仙翁元作衰翁時  
相憐其善改易又愛朝中措之名厚賞之

僧兒

廣漢營妓小名僧兒秀外惠中善填詞戴妣者  
忘其名兩作漢守寵之既而得請玉局之祠以  
歸僧兒作滿庭芳見意云團菊包金叢蘭減翠  
盡成秋暮風烟使君歸去千里共潸然兩度朱  
轡鴈水金牒得陶侃當年如何見一時盛事都  
在選行篇○愁煩梳洗嬾尋思陪宴花月湖邊  
有多少風流往事縈牽聞道霓旌羽駕看看是  
玉局神仙應相許冲雲破霧一到洞中天

漁隱叢話

趙方卿

成都官妓趙才卿性黠慧詩詞敏速帥府與都  
鈐帥會飲命才卿佐酒作詞應命立就燕歸梁  
云細柳營中有亞夫華宴簇名姝雅歌長許佐  
投壺無一日不歡娛○漢皇拓境思名將捧飛  
詔欲登途從前密約盡成虛空羸得泪流珠都  
鈐大賞其才以飲器數百星遺之帥亦賞歎焉

翁客妓

花草粹編  
作放翁妓

翁客自蜀携一妓歸蓄之別室率數日一往偶  
以病少踈妓疑之翁作詞自解妓即韻答以踏



莎行云說盟說誓說情說意動便春愁滿紙多  
應念得脫空經是那個先生教底不茶不飯  
不言不語一味供他憔悴相思已是不曾閒又  
那得工夫咒你

齊東野語蜀倡能文蓋薛濤遺風或謗翁挾蜀尼歸即此也

蜀妓

送行市橋柳

欲寄意渾無所有折盡市橋官柳看君着上征  
衫又相將放船楚江口後會不知何日又是  
男兒休要鎮長相守苟富貴無相忘若相忘有

如此酒

齊東野語

李秀蘭

錢唐有官妓名秀蘭蘇子瞻為賦賀新涼者當非此也

減字木蘭花

自從君去曉夜縈牽腸斷處綠遍香堦過夏經秋鴈又來想伊那里應也情懷愁不止縹緲書沉直至如今沒信音

京師妓

京師妓賦瑞鵬鵠詞憶舊云昔時曾從漢梁王濯錦江邊醉幾場拂石坐來衫袖冷踏花歸去

馬蹄香當初酒醺寧醉今日愁來不易當暗想舊遊渾似夢芙蓉城下水茫茫

梁園秀

元

梁園秀姓劉氏行第四歌舞談詠為當代稱首喜親文墨作字楷媚間吟小詩亦佳所製樂府如小梁州青歌兒紅衫兒枳塢兒寨兒令等世所共唱之又善隱語其夫從小喬樂藝亦超絕

張怡雲

張怡雲能詩詞善談笑藝絕流輩名重京師趙

松雪商正叔高房山皆為寫怡雲圖以贈諸名  
公題詩殆遍姚牧菴閻靜軒每于其家小酌一  
日過鐘樓街遇史中丞中丞下道笑而問曰二  
先生所往可容侍行否姚云中丞上馬史於是  
屏騶從速其歸攜酒饌因與造海子上之居姚  
與閻呼曰怡雲今日有佳客此乃中丞史公子  
也我輩當為爾作主人張便取酒先壽史且歌  
雲間貴公子玉骨秀橫秋水調歌一闋史甚喜  
有頃酒饌至史取銀二定酬歌席終左右欲微

酒器皆金玉者史云休將去留待二先生來此  
受用姚偶言暮秋時三字閻曰怡雲續而歌之  
張應聲作小婦孩兒且歌且續曰暮秋時菊殘  
猶有傲霜枝西風了却黃花事貴人曰且止遂  
不成章張之才亦敏矣

並青樓集

### 珠簾秀

盧疎齋摯別歌者珠簾秀以落梅風曲云纔歡  
悅早間別痛煞煞好難割捨畫船兒載將春去  
也空留下半江明月珠簾秀答前曲云山無幾

烟萬縷憔悴殺玉堂人物倚蓬窓一身兒活火

苦恨不得隨大江東去

太平樂府

珠簾秀姓朱氏行第四雜劇為當今獨步駕頭  
花旦軟末泥等悉造其妙胡紫山宣慰嘗以沉  
醉東風曲贈云錦織江邊翠竹絨穿海上明珠  
月澹時風清處都隔斷落紅塵土一片閒情任  
卷舒挂盡朝雲暮雨馮海粟待制亦贈以鷓鴣  
天云憑倚東風遠映樓流鶯窺面燕低頭蝦鬚  
瘦影纖纖纖龜背香紋細細浮紅霧斂彩雲收

海霞為帶月為鉤夜來捲盡西山雨不著人閒  
半點愁蓋朱背微樓馮故以簾鉤寓意至今後  
輩有以朱娘娘稱之者

青樓集

### 劉燕歌

劉燕歌善歌舞齊叅議還山東劉賦太常引以  
餞云故人別我出陽關無計鎖雕鞍今古別離  
難倩誰畫蛾眉遠山一尊別酒一聲杜宇寂寞  
又春殘明月小樓閒第一夜相思淚彈至今膾  
炙人口

張玉蓮

張玉蓮人多呼為張四媽舊曲其音不傳者皆  
能尋腔依詞唱之絲竹咸精誦博盡解笑談疊  
疊文雅彬彬南北今詞即席成賦審音知律時  
無比焉往來其門率富貴公子積家豐厚喜延  
款士夫復揮金如土無少暫惜愛林經歷嘗以  
側室置之後再占樂籍班彥功與之甚狎班司  
儒秩滿北上張作小詞折桂令贈之末句云朝  
夕思君泪點成斑亦自可喜又有一聯云側耳



聽門前過馬和淚看簾外飛花尤為贈炙人口  
有女倩嬌粉兒數人皆藝殊絕後以從良散去  
余近年見之崑山年餘六十矣兩髻始顰容色  
尚潤風流談譔不減少年時也

一分兒

一分兒姓王氏京師角妓也歌舞絕倫聰慧無  
比一日丁指揮會才人劉士昌程繼善等於江  
鄉園小飲王氏佐樽時有小姬歌菊花會南呂  
曲云紅葉落火龍褪甲青松枯怪蟒張牙丁曰

此沉醉東風首句也王氏可足成之王應聲曰  
紅葉落火龍褪甲青松枯怪蟒張牙可詠題堪  
描畫喜觥籌席上交雜荅刺蘇頻斟入禮廡廡  
不醉呵休扶上馬一座歎賞由是聲價愈重焉  
並青樓集

大都行院王氏

中呂粉蝶兒

太平樂府題云寄情人然實詠蘇卿事也

江景蕭疎那堪楚天秋暮占西風柳敗荷枯立  
夕陽空凝竚江鄉古渡水接天隅眼瀟漫晚山

烟樹

醉春風

寂寞日偏長  
別離人最苦  
把一封正家書  
改做詐休書  
馮魁不覩是將我來娶  
知他是身跳龍門  
首登虎榜  
想這故人何處

紅繡鞋

往常時冬裡卧芙蓉  
裯褥夏裡鋪藤簟  
紗幮但出門換套好衣服  
不應馮魁茶員外  
負外鈔姨夫我則想  
俏雙生為伴侶

迎仙客

見一座古寺宇蓋造得非常俗見一箇僧人念  
經搖著數珠待道是小閣黎却元來是老院主  
依是箇檀越門徒問長老何方去

石榴花

看了那可人江景壁間圖粧點費工夫比及江  
天暮雪見寒儒盼平沙趁宿落鴈無書空隨得  
遠浦帆歸去漁村落照船歸住烟寺晚鐘夕陽  
暮洞庭秋月照人孤

鬪鶴鵲

愁多似山市晴嵐泣多似瀟湘夜雨少一箇心上才郎多一箇脚頭丈夫每日價茶不茶飯不飯百無是處教我那裡告訴最高的離恨天堂最低的是相思地獄

晉天樂

腹中愁詩中句問甚麼失題落韻跨騾騎驢想着那得意時着情處筆尖題到傷心處不由人短嘆長吁囑付你僧人記取蘇卿休與知他雙

漸何如

上小樓

怕不待開些肺腑都向詩中分付我這里行想  
行思行寫行讀兩淚如珠都是此道不出寫不  
出憂思慮了不罷聲啼哭

么

他爭知我嫁人他應過舉翻做了魚沉鴈杳  
墜簪折信斷音疎咫尺地半載餘一字無雙郎  
何處我則夢隨他販茶船去

十二月

無福效同儔並侶有分受枕剩衾餘想起來相思最苦空教人好夢全無擗飛了清歌妙舞受了此寂寞消疎

堯民歌

閃得人鳳凰臺上月兒孤趁帆風勢下東吳我這裡安桅舉棹泛江湖到不如沉醉羅幃倩人扶躊躇躊躇天邊鴈兒遙枉把佳期悞

耍孩兒

這廝不通古今通商賈是販賣俺愁人的客旅  
守着這廝愁悶怎消除真乃是牛馬而襟裾斗  
筭之器成何用糞土之牆不可朽想俺愛錢娘  
喬為做不分此好弱不辨賢愚

三煞

娘可你好下得好下得忒狠毒忒狠毒全沒此  
子母情腸肚則好教三千場失火遭天震一萬  
處疔瘡生背疽怎不教我心中怒你在錢堆受  
用撒我在水面上遭荼



二煞

我上船時如上木驢下倉時如下地府靠桅竿  
似靠着將軍柱一箇隨風倒舵船牢獄趁浪逐  
波乘檻車伴着這離人物便似冤鬼般相纏日  
影般相逐

一煞

他正是馬魁酒正濃蘇卿愁起初下船來行到  
無人處我比娥皇女哭舜添斑竹比曹娥女泣  
江少一套孝服則怕他瞧破俺情緒推眼疾偷

掩痛淚佯呵欠帶幾聲長吁

尾

嘆我這淚珠兒何日乾愁眉甚日舒普天下煩惱收拾聚也似不得蘇卿半日苦

阮碧雲

阮碧雲元大都妓也詩云東君情意漲如瀾画閣鴛衾夜不寒十二樓中春色透好花開遍玉闌干

芙蓉

張司令元時人亡其名富而好禮慕楊鐵崖名  
往迎之鐵崖謂其不知書弗應司令乃延鮑恂  
為師受業焉後迎鐵崖乃往席間以妓奉酒妓  
名芙蓉酒名金盤露鐵崖題云芙蓉掌上金盤  
露妓即應聲曰楊柳頭邊鐵笛風蓋楊又號鐵  
笛道人故也鐵崖撫掌笑曰妓能文其主可知  
矣辭去時司令出米滿載送之云是鵠糧鐵崖  
素愛鵠不能卻隨訪顧阿瑛召阿瑛之隣人負  
者分給之而去

秀水志

淮安妓

本朝

送舉子上春官

淮草青青淮水渾  
安排樓櫓送王孫  
明年三月桃花發  
君聽傳臚妾倚門

琵琶伎

大明律有官吏挾伎飲酒之條然宣德三楊公  
猶及用之嘗聞與其一兵官會飲文定倡為酒  
令各誦詩一句以月字在下而四分時令畢文  
定指席中侍妓曰不可謂泰無人汝輩有能者

乎一伎遽成小詞捧琵琶歌曰到春來梨花院

落溶溶月文定到夏來舞低楊柳樓心月文敏

到秋來金鈴犬吠梧桐月兵官到冬來清香暗

度梅稍月文貞呀好也月總不如俺尋常一樣

窻前月諸公劇飲露醉而去近峰

詠殷子妓

正德間有一妓女失其名於客所分詠以殷子

為題伎即應聲云一片寒微骨翻成面面心印

從遭點汗拋擲到如今

徐氏

金陵妓徐氏有文藻作春陰詩七不韻云楊花厚  
處春陰薄清冷不勝單袂衣亦為清唱

異林

妓楊

金陵妓楊者學詩於陳編修魯南門其贈人一  
絕云揚子江邊送玉郎柳絲牽挽柳條長柳絲  
挽得吾郎住再向江頭種兩行余遊金陵楊尚  
存未見其作疑此即陳代筆或好事者為之云

道聽錄

彭南譙卧遊樓史云舊院先妓曰朱  
斗者色不甚都頗開筆現往往青衫士談及錄

丈夫多為所屈記其詠物有曰早知留得行人  
住多向江頭栽幾行辭雖淫蕩情景俱會

### 蘇桂亭

金陵妓蘇桂亭送人詩云交情何草草別思更  
悠悠有夢見郎面無書寄龍頭頻將別時淚化  
作江水流風波不可散點點逐君舟

蘇亦不聞悲詩

### 朔朝霞

金臺妓朔朝霞送人云秋風江上送君舟落葉  
江楓總別愁解纜不知人去遠凭欄猶倚夕陽  
樓

並道  
聽錄

張九齡蘇臺

春日即事

盛明百家詩楊太史黃夫人

金針戳破窓兒紙引入梅花一線香  
樓蟻也知

春色好倒拖花瓣上東牆一作剗兒一作蟻

趙燕如嘉靖中南京舊院妓

冬夜別顧參軍席上得春字

舉酒憐心舊看衣識淚新  
縷為詩酒友又作別  
離人今夜一天月明朝兩地春  
好因江上柳折  
渾寄頻頻



姜薺玉

號竹雪居士陰廖間  
舊院妓工詩無常

花源逢顧何二使君作

仙源深幾曲夾岬苑花開忽屢逢劉阮殷勤勸  
酒杯

泊豪曲

芙蓉帶結紅鸕蒂楊柳絲牽紫燕飛獨棹蘭舟  
何處宿年年飄泊待郎歸

戲題

花知妾意纔含笑柳見郎來忽作眠幾度欲將

羅帶解只愁鸚鵡向人傳並國雅

### 劉季招

劉季招吳妓也張子行嘗集文徵仲陸子傳王  
祿之諸名士季招與焉即席賡和有詩劉席上  
贈子行詩云華堂芳讌錦屏稠君是瓊筵第一  
流何日五陵金勒馬玉鞭遙指倚江樓芳讌同聲

王儒卿

號寒玉嘉隆間南京木司妓

### 寄蔣子

花開不如昨妾老不少年君當憶花復念妾明

日重來不似前

寄吳郎

舊事巫山一夢中佳期回首竟成空郎心亦是  
浮萍草莫怪楊花易逐風國雅

女史氏曰妓者技也枝絲竹謳舞及琴奕蹴鞠  
藏鉤而已飛籌紉席善令章則又有都知錄事  
之目廼姑舍是而獨能吮墨泚毫以文藻自奮  
此其人非大雅不羣者乎西陵之詠久傳樂府  
其寢著者推洪度楚靚淋姬自後代興時有矣

溫琬遂疏義孟子比蹟臺卿然余是編悉外之  
蓋要自有所重焉倡優拙楚劒利慮世者何以  
彼工為若其姱節與義從一而終者亦嘗斐然  
有辭華實相副是稱得全嗟夫彼蔡文姬李清  
照豈不抑亦文人哉

青泥蓮花記卷十三

外編五

江東梅禹金纂輯 從弟梅詵生校

記用

秦弱蘭

南唐

宋初朝廷遣陶穀使江南以假書為名實使覘之丞相李穀以書抵韓熙載云五柳公驕甚其善待之穀至果如李所言熙載曰陶奉使實非端介者其守可隳因令宿留俟寫六朝書畢館治半年熙載密遣歌兒秦弱蘭詐為驛卒之女

敝衣竹屐擁帚洒掃穀見之而喜遂犯謹獨之  
戒乃作風光好一闋以贈之曰好姻緣惡因緣  
祇得驛亭一夜眠別神仙琵琶機盡相思調知  
音少待得鸞膠續斷絃是何年後數日李主宴  
於澄心堂命玻璃巨鍾滿酌之陶穀然不顧乃  
出弱蘭於席歌前闋以侑之穀大慚而飲倒載  
吐茵尚未許罷後大為李主所薄逮歸京師結  
膠之曲已宣布由是卒不得大用

南唐遺事亦  
於奇夜誌亦

載別神仙  
作奈何天

楊臺柳宋

文潞公以樞密直學士知成都公年未四十成都風俗喜行樂公多燕集有飛語至京師御史何聖後謁告歸上遣伺察之何將至潞公亦為之動幕客李少愚謂公曰聖後之來無是念少愚與聖後同郡因迎見於漢州命酒設樂有營伎善舞聖後狎問其姓妓曰姓楊聖後曰所謂楊臺柳者少愚即取伎頂帕羅題詩曰蜀國佳人號細腰東臺御史惜妖嬈從今喚作楊臺柳

舞盡春風萬萬條命其伎作柳枝詞歌之聖從  
為之霑醉後數日聖從至成都頗嚴重一日潞  
公大作樂以譙聖從迎其伎雜府伎中歌少愚  
之詩以侑觴聖從每為之醉聖從還朝潞公之  
謗乃息李康靖見聞錄○焦氏類林李作張誤  
潤云一貴人編召幕客詢何人與御史密者或云  
按事責其人延之令出果候迎兼携名娼王宮  
有賢良其人延之令出果候迎兼携名娼王宮  
花往候其宴狎出家姬以佐酒王善舞何公醉  
喜題其項帕云按微梁州更六么西臺街史惜  
妖燒從今改作王宮柳舞盡春風萬萬條至成  
都此娼出迎遂不復措手而歸按此特姚寬  
不欲顯彥博名耳而王宮花名與前異一事也



保安娼姥

元豐中夏戎之母梁氏遣將引兵卒至保安軍順寧寨圍之數重時寨兵至少人心危懼有娼姥李氏得梁氏陰事甚詳乃掀衣登陴抗聲罵之盡發其私虜人皆掩耳併力射之莫能中李氏言愈醜虜人度李終不可得恐且得罪遂託以他事中夜解去鷄鳴狗盜皆有所用信有之

夢溪筆談曰梁氏其先中國人為羌人漫城訛于梁氏遂殺訛龐而以梁氏為妻主國事屢侵邊

楚楚

卷十三

柳耆卿與孫相何爲布衣交孫知杭門禁甚嚴  
耆卿欲見之不得作望海潮曰東南形勝三吳  
都會錢唐自古繁華烟柳畫橋風簾翠幙參差  
十萬人家雲樹繞堤沙怒濤捲霜雪天塹無涯  
市列珠璣戶盈羅綺競豪奢重湖疊巘清佳有  
三秋桂子十里荷花羌管弄晴菱歌泛夜嬉  
釣叟蓮娃千騎擁高牙乘醉聽簫鼓吟賞烟霞  
吳郡圖將好景歸去鳳池誇往謁名妓楚人曰

欲見孫相恨無門路若因府會願借朱唇歌於  
孫之前若問誰為此詞但說柳士中秋夜會楚  
宛轉歌之孫即日迎耆預坐

楊皎

張才翁風韻不羈初任臨邛秋官張公庠待之  
不厚會有白鶴之遊郡守率屬官同往才翁不  
顧客語官妓楊皎曰老子到彼必有詩詞可速  
寄來公庠既到白鶴便留題曰初抵官柳未成  
陰馬上聊為擁鼻吟遠宦情懷銷壯志好花時

節節歸心別離長恨人南北會合休論酒淺泥  
欲把春愁開抖擻亂山高處一登臨皎錄寄才  
翁才翁增減作雨中花曰萬縷青青初暎官柳  
向人猶未成陰據征鞍無語擁鼻微吟遠宦情  
懷誰問空勞壯志銷凝好花時節山城留滯又  
負歸心別離萬里飄蓬無定曾念會合難憑相  
聚裡莫辭金盞酒淺還深欲把春愁抖擻春愁  
轉更難禁亂山高處憑闌垂袖聊寄登臨公庠  
再坐皎歌於公庠之側公庠怪問之皎前稟曰

張司理恰寄來令皎歌之以獻台座公卒遂責  
顧才翁尤厚

王鈇妾

宋紹興中王鈇帥番禺有狼籍聲朝廷除司諫  
韓璜提刑廣東令往廉按鈇憂甚廢寢食有妾  
故錢唐娼也問主公何憂鈇告之故妾曰不足  
憂也璜即韓九字叔夏舊遊妾家最歡須其來  
強邀之飲妾當有以敗其守也已而璜至鈇郊  
迎不見入城乃見呼然不交一談次日報謁鈇

宿治具於別館茶罷邀遊郡圃不許固請乃可  
至別館水陸畢陳妓樂大作璜蹶踏不安鉄麾  
去伎樂陰命諸妓淡粧詐作姬侍迎入後堂劇  
飲酒半妾於簾內歌璜昔日所贈之詞璜聞之  
心動狂不自制曰汝乃在斯耶即欲見之妾隔  
簾故邀其滿引至再至三終不肯出璜心益急  
妾曰司諫曩在妾家最善舞今日能為妾舞一  
曲當即出也璜醉甚不知所所以即索舞衫塗抹  
粉墨踉蹌而起忽跌于地鉄亟命索轎諸妓扶

掖登船昏然醉寢五更酒醒覺衣衫拘絆索渴  
覽鏡羞愧無以自容即解船還臺不敢復有所  
問此聲流播旋遭彈劾而缺廷善罷王鶴林  
女史氏曰女無攸遂者也倡何人乎廼間有所  
以用之夫亦不用之用耳若弱蘭之折驕保姦  
之挫敵猶其用之大者焉嗟夫何獨科目能盡  
其用哉

記豪

鄭舉舉唐

鄭舉者居曲中亦善令章嘗與絳真互為席  
糾而充博非貌者但負流品巧談諧六為諸朝  
士所眷常有名賢醪宴辟數妓舉者預焉今  
左諫王致君調右貂鄭禮臣設夕拜孫文府儲  
小天趙為山崇皆在席時禮臣初入內庭矜誇  
不已致君已下倦不能對甚減歡情舉者知之  
乃下籌指禮臣曰學士語太多翰林學士雖甚  
貴甚美亦在人耳至如李騰劉允承雍章亦嘗  
為之又豈能增其聲價耶致君已下皆躍起拜



之喜不自勝禮臣因引滿自飲更不復有言於是極歡至暮而罷致君已下各取彩繒遺酬里誌

順時秀元

順時秀姓郭氏字順卿行第二人稱之曰郭二姐姿態閑雅雜處為閨怨最高駕頭諸旦本亦得體劉時中待制嘗以金簧玉管鳳吟鸞鳴擬其聲韻平生與王元鼎密偶疾思得馬板腸王即殺所騎駿馬以啗之阿魯溫叅政在中書欲

矚意於郭一日戲曰我何如王元鼎郭曰叅政  
宰臣也元鼎文士也經綸朝政致君澤民則元  
鼎不及叅政嘲風弄月惜玉憐香則叅政不敢  
望元鼎阿魯溫一笑而罷

青樓集

女史氏曰語柔曼者無如妓取容悅而已顧以  
豪稱耶舉舉之面譙翰林先生也詞嚴義正可  
備木天一歲矣中書政本禮絕百僚而一伎寓  
諷刺於談嘲然皆懌然意下也亦不有其貴者  
哉或謂宣城史鳳之待客以等甚異者有迷香

洞神機枕鎖蓮燈次則交紅被傳香枕八分手  
下列以閉戶羹待之使人致語曰請公夢中來  
淳祐間徐蘭堂館園池曲折華麗以錦纈為地  
衣乾紅四繫紗為單衾銷金帳幔侍婢執樂者  
十餘輩寶玉器玩書畫飲食莫不精妙為三吳  
之冠此亦倡中之豪者夫馬垂以三十萬侓得  
鳳沈承務以數百萬侓得蘭垂猶能題九迷詩  
于照春屏彼承務財虜焉是以侈為利者也奚  
其豪矣其豪

記遇

李豔娘蜀

蜀孟昶廣政三年上元觀燈露臺舞娼李豔娘  
有姿色召入宮賜其家錢十萬蜀史

徐降真楚

五代楚馬希範少愛娼妓徐降真及嗣立號西

堂夫人

十國紀事

小東

小東長沙之妓人以能詩得幸于馬氏後國入

為郡窮于京師里而人絕不知言及長沙宮中  
事必南望泣涕而後言

續侍兒  
小名錄

### 李師師

宋

東京角妓李師師住金線巷色藝冠絕徽宗自  
政和後多微行乘小轎子數內臣導從置行幸  
局局中以帝出日謂之有排當次日未還則傳  
旨稱瘡疾不坐朝嘗往來師師家甚被寵昵祕  
書省正字曹輔以疏諫微行編管郴州靖康之  
亂師師南徙有人遇之於湖湘間衰老憔悴無

復向時風態劉厚山詩云輦轂繁華事可傷師

師垂老過湖湘縷金檀板今無色一曲當年動

帝王宋史○宣和遺事○遺事載師師舊壻武

佳人貌類仙暗想聖情渾似夢追歡執手蘭房

歸去晚四夜說盟言滿柳沉檀貴瑞烟報道早

宣和六年冊師師下鮫綃當宿錢奕由此與瓊

街又云樊樓乃豐樂樓之異名上有御座徽宗

時與師宴飲于此金兵至李明知廢為庶人

漁落湖湘為商人所得棄天勝語山東巨寇宋

上將圖歸順潛入東京訪李師酒後書念奴

嬌詞云天南地北問乾坤何處可容狂客借鼎

山東烟水寨來買鳳城春色翠袖圍香絳綃籠

葉一頭蓼花汀畔皓月空凝碧六六鴈行連八

九只等金鷄消息義膽已天忠肝蓋地四海無人識離愁萬種醉鄉一夜頭白○水滸傳亦引

江事

同前

李師師京都名妓也見寵于宋徽宗而私與周  
邦彥美成昵甚一日正與宴洽而報上遽至周  
狼狽匿床下上於坐中出新橘食之周遂潛為  
度曲以詠其事異日師師歌之上知而大怒出  
周外任師師往餞之及歸離索未解淚光尚瑩  
瑩也上適至因問之李不敢隱具以狀對後遂

復周官云

蕙圃拾  
其錄

唐安安

理宗在位日久嬖寵寢盛淳祐癸丑元夕呼妓  
入禁中有唐安安者歌色絕倫帝愛幸之侍郎  
牟子才奏曰此皆董宋臣輩引誘壞陛下三十  
年自修之操上令丁大全諭旨曰納忠不妨但  
勿散副本可也

西湖志

玉蓮兒元

玉蓮兒端麗巧慧歌舞談諧悉造其妙尤善文



集 揪握槊之戲嘗得侍於英廟由是名冠京師

眇倡傳

秦觀少游撰

宋

美倡有眇一目者貪不能自贖乃計謀與母西游京師或止之曰倡而眇何往而不窮且京師天下之色府也美眇巧咲雪肌而漆髮曳珠玉服阿錫妙彈吹籍於有司者以千萬計使若具兩目猶恐往而不售况眇一焉其瘠於溝中必矣倡曰固所聞也然諺有之心相憐馬首圓以

京師之大是豈知無我儂者遂行抵梁舍於濱  
河逆旅居一月有少年從數騎出河上見而悅  
之為解鞍畱飲燕終日而去明日復來因大嬖  
取置別第中謝絕姻黨身執爨以奉之倡飯少  
年亦飯倡疾不食少年亦不食囁嚅伺候曲得  
其意唯恐或不當也有書生嘲之曰間者缺然  
不見意有奇遇乃從相矢者處乎少年念曰自  
余得若人還視世之女子無不餘一目者夫佳  
自得一足矣又奚以多為贊曰前史稱劉建康

嗜瘡痂其門下二百人常遞鞭之取痂以給膳  
夫意之所蔽以惡為美者多矣何特眇倡之事  
哉傳曰播糠眯目則天地四方易位余嘗三復  
其言而悲之

誰海集

啞娼志

楊維禎撰

元

啞娼者錢唐娼家女也生無啼聲三閱歲不能  
言至十歲終不言咲則舒喙露齒怒則嗑嗑云  
父母決其啞無疑因呼為木哥且喈曰予門籍  
娼娼以音為伎今以啞若是何待乎欲棄之其

父曰女雖啞於口弗啞於耳目手足也年及笄  
天質秀利中益警穎工鍼緝既教以琵琶箏篪  
及七盤舞蹈之伎靡不精審貴富家諱所病而  
求其長輒與他名伎並進既笄貌益揚藝益工  
京師有大木賈過錢唐聞啞倡名求見即大喜  
倍九價聘之左右曰娼以聲取悅啞而倍價以  
聘河過愚賈咲曰非若所知也婦頰以長言敗  
人之家內讒寢而後家可長予聘無長舌不聘  
工歌且咲遂挾之歸京師賈侍姬百十人聞

娼至皆掩口胡盧之未幾啞娼寵專門賈一飲  
食非啞娼不甘且私賀曰吾今而後知婦言之  
不入吾耳啞娼亦心自語曰不聾啞不家娜侈  
然自隆重宴享非尊右不居服飾非珠玕不御  
諸姬雖心忌又咸得其不能言皂白於主故又  
心幸之賈元婦既缺諸姬遂迎主意推啞娼為  
繼內數年為賈誕子者三長曰傳嘿次曰傳訥  
傳忍後傳嘿以陰重不泄得出入禁中且得美  
官號族至今推為婦師云

抱遺子曰予聞道家書有綠霞女以塵心墮  
世為啞啞娼者亦陰仙之質非歟然娼以啞  
病亦以啞遇誠使啞娼才色工之以語言文  
章則所遇未必爾借遇亦訖娼求其終榮者  
寡矣嗚呼士以語言文章遇主而訖以語言  
文章為身之仇孰愈啞娼耶

鐵崖文集

老娼色福

本朝

閩中一娼色且衰求嫁以圖終身人薄之無委  
禽者乃決之術士云年至六十當享富貴之養

娼不以為然數年閩人子有闖入內府為太監  
者聞其母尚存遣人求得之館於外地翌日出  
拜之遙見其貌陋恥之不拜而去語左右云此  
非吾母當更求之左右觀望其意至閩求美儀  
觀者乃得老娼以歸至則相向痛哭日隆奉養  
閱十數年而歿可謂奇中矣

菽園  
雜記

女史氏曰得時則駕不得時則蓬累而行言貴  
所遇耳師師之流得而駕者矣彼無擇夫眇與  
暗見以為不盲於心而此中實有者乎故曰女

無美惡士無賢不肖

記戒

李林甫為娼

戒之一  
唐宋

元和元年六月惠州一娼女震死於市衢脇下  
朱書云李林甫以毒虐弄正權帝命列仙劉舉

三震之

龍城  
錄

紹熙元年春漢陽軍陽臺市蔡氏女七歲遭雷  
震死有文在其背若符篆然識者讀之曰唐相  
李林甫七世為倡今生滅形凡十三字甚類前



事也襄陽道士黎大方嘗見之

夷堅  
志

### 婺州富家犬

婺州富人失其姓名居金華義烏之間有散樂倡女來方入謁下拜其家一馴犬至前主人叱之不退遽扼主而齧其喉次齧娼皆即死家人起於不料驚痛束手有老婢自厨出行步舉措絕類主人作其聲音與妻子言曰汝勿怨嘆此生前冤業也我前世在湖州為男子嘗買一妾不為妻所容不得已蓄于別舍一僕往來受使

令父而妻聞之屢肆爭鬪我以為漏泄痛箠之  
諱不肯伏我益怒加箠百數殞於杖下當時畏  
彰露拽赴湖岸縋以石投水中自謂獲免矣今  
我復為人而此倡即妻也僕以然他善緣故慙  
異類展轉為犬渠本性已昏迷一復省記會此  
倡至遂薦憶宿寃幽冥定數畢之難脫命之所  
遭尚何可悔垂泣而別婢仆地叩甦其家遂殺  
犬而後治喪

宣城葛女

成忠郎王貴寓居宣城與倡者秀家相近貴妻  
出入必過秀門秀妹年五歲每見必曰吾母也  
秀家以為兒語不經意一日戲門外王姬適來  
女挽其衣秀望見延之入女隨拜曰母不憶兒  
耶乃建康朱家纖郎也姬淚下如雨為秀言吾  
元嫁朱氏生一子長而放蕩本以販糶為業貲  
力稍贍皆為此子蕩折年三十一而死死後貧  
益甚吾不能自存挈其女以嫁王氏今所言良  
是女問我女何在命呼以來既至近而撫惜之

王女時年十一歲矣怒之葛女咲曰汝不得無  
禮我乃汝父也又問姬曰此兒幼時嘗倩舅家  
女相伴今在否雖猫犬之屬亦歷々咨訪且言  
舊愛一磬曾書數十字於中今復何如取至洗  
視果然平生嗜書自頗能為之姬悉取所存者  
并雜他軸以示皆擲於地遇故物則留玩不已  
是前凡兩娶婦後妻狡獪密說朱盜為私藏夫  
死盡携以去姬雖知之而不能舉其名也故不  
克訟乃問曰兒昔為新婦所誘多竊家中物以

行尚能憶乎即而發赤不肯對嫗曰汝已隔世而了了若此能復回我家乎曰心中戀戀正所願也嫗歸舍搜篋中得金六兩持與葛氏討之葛不可曰自此女之生我家日以稱遂嫗意雖盛不能從也嫗慟哭而歸悲心益切感愴不數月而死朱生在月好以譚語標榜建康諸娼皆畏而惡之其後身竟憶娼類但朱死三年而葛女已五歲人以為疑蓋朱之未死卧疾再歲而葛女襁褓間亦多病過二歲始無恙然則朱病

魂時精已喪生矣時乾道元年王宣子為郡守  
家人呼葛氏婦王姬一一扣之得其詳如此女  
至十餘歲漸忘前事不復能說宣子說並夷志

湖邊曲元

浙省廣濟庫歲差杭城殷實戶若干名充役庫  
子以司出納比一家中侵用官錢太多無可為  
償府判王某素號殘忍乃拘其妻妾子女于官  
又無可為計則命小舟載之求食于西湖以紓  
納官鬼妾鬼馬不肖輩群趨焉解于伯機先生

樞作湖邊曲云湖邊蕩漿誰家女綠慘紅愁嬌  
不語低頭忍淚傍郎船貪得船頭強歌舞玉壺  
美酒不須憂魚腹熊蹯棄如土陽臺短夢匆匆  
去鴛鴦生寒愁日莫安得義士擲千金遂令桑  
濮歌行路後王之子孫有為娼者天之報施一  
何捷也

西湖遊  
記

袁娼馮妍宋

袁州娼馮妍年十四姿貌出流輩且善歌舞謝  
氏女也其母陳燦云賣此女時方五歲立券以

七年為限今喻約二年矣乞取歸養老免使良家終身懽於風塵郡守張定叟呼妍問曰汝離家時尚幼能認母乎曰能認於是引謝媼至前視之搖首曰非也張判所訴云既非其母難以強取勉勘遂出謝衙恨涕泣而去研還馮居方入門忽迷不知路媼母詢其故曰眼前冥冥漠漠如人手遮我眼更不能見暨至房前便覺內瘡告於郡以疾求假張不之信因會宴命呈貌蒙然如痴與之酒亦不知盞所在猶以為詐曰



汝且歸從中道去妍迂枉信足遂懷階下始駭其真疾聽落籍竟失明孫鼎臣為判官嘗見之眸子宛然而其盲自若也

邵武倡

僧惠吉張氏餘干人少為縣五伯因追齋村社少休山麓遇婦人授書一卷即能談人意中事棄妻子出遊宣和三年滴邵武泰寧築菴香爐峰落髮為僧有娼脫籍歸一壻同謁僧僧所居山柵林樾蔽繞來者未至門不知也僧逆告其

從者曰其夫婦少選至勿令其婢子入及至唯  
二人原無婢自隨僧言狀娼驚泣求救蓋昔日  
曾逼一婢赴井死壻固未知也

並夷  
堅志

李雲娘

宋戒之二

慶曆元年李雲娘都下之娼姬也家住隋河大  
隄曲粗有金帛與解普有故舊是時普待闕中  
銓寓京經歲囊無寸金多就雲娘假貸以供用  
普給雲娘曰吾赴官娶汝歸由是雲娘罄篋所  
有以助普焉普陰念家自有妻與雲娘非久遠

計也一日召雲娘并其母極飲市肆中夜沿水  
岸歸雲娘大醉普乃推雲娘墮汴水中詐驚呼  
號泣不已明以善言誘其母適會普家書至附  
五十緡又以錢十緡遺雲娘母不日普授秀州  
青龍尉乃挈家之官一日普同家人閒坐有人  
揭簾而入者普熟視乃雲娘也責普曰我罄囊  
助子子不為恩復以私計害吾性命子之不仁  
可知也我已得報生矣普叱曰是何妖鬼敢至  
此囁嚅也引劍擊之俄而不見冷風觸人面甚

急舉家大驚後數日報有劫盜普乘舟警捕行  
半日普或唾水曰汝又來也有一手出外中挽  
普入水舉舟皆見公吏沉水拯之不獲翌日方  
得屍普面與身皆有傷處評曰逋人之財猶曰  
不可況陰賊其命乎觀雲娘之報解普明白如  
此有情者所宜深誠焉

崔蘭英

陳叔文京師人也專經登第調選銓衡授常州  
宜興簿家至窘窶無數日之用不能之官然而

文叔丰骨秀美但鬱結亦多在娼家崔蘭英處  
閒坐叔文言及以有所授家貧未能之官蘭英  
謂叔文曰我雖與子無故我於囊中可餘千緡  
父欲適人子若無妻我即將嫁子也叔文曰吾  
未娶若然則美事一約即定叔文歸給其妻曰  
貧無道塗費勢不可共往吾且一身赴官時以  
俸錢贖爾妻子諾其說叔文與蘭英泛汴東下  
叔文與英頗相得叔文時以物遺妻後三年回  
舟泝汴而進叔文私令英囊篋不下千緡而有

德于我然不知我有妻妻不知有彼兩不相知  
歸而相見不惟不可當起獄訟日夜思計以圖  
其便思惟無方若不殺之乃為後患遂與英痛  
飲大醉一更後推英於水便併女奴推墮焉叔  
文號泣曰吾妻誤墮汴水女奴救之併墮以時  
昏黑汴水如箭舟人沿岸救撈莫之見也至京  
與妻相聚遂共議曰家本甚貧篋笥間幸有二  
三千緡不復之仕路矣乃為庫以解物經歲家  
事尤豐足遇冬至叔文與妻往宮觀至相國寺

稠人中有兩女人隨其後叔文回看切似英焉  
舉蒙首望叔文乃英也俄遣向墮水中女奴召  
叔文托他故遣其妻子先行叔文與英並坐廊  
砌下叔文曰汝無恙乎英云向時中子計我二  
人墮水相抱浮沉一二里得木碍不得下號呼  
救人方得人撈救得活叔文愧赧泣下曰汝甚  
醉立於船上自失脚入水此婢救汝從而墮焉  
英曰昔日之事不必再言令人至恨但我活即  
不怨君吾居此已久在魚巷城下住君明日急

東訪我不來我將訟子於官必有大獄令子為  
齋粉叔文詐諾各散去叔文歸憂懼巷口有王  
正臣為學聚小童叔文具道其事求計於正臣  
正臣曰子若不往且有爭訟於子身非利也叔  
文乃市羊果壺酒又恐家人輩知其詳乃就別  
家里巷人同往焉至城下則女奴已立門迎之  
叔文入至暮不出荷擔者立門外不聞動靜人  
詢之云子何久在此昏晚不去也荷擔人云吾  
為人所使其人在此宅尚未出門人曰此乃空



屋耳因執燭共入有盃盤在地叔文仰面兩手  
自束於背上形若今之伏法死者申之官司呼  
其妻識其屍然無他損乃命歸葬焉議曰茲事  
都人共聞寃施於人不為法誅則為鬼誅其理  
彰彰然異矣

並青瑣  
高議

### 念二娘

餘干鄉民張客因行販入邑寓旅舍夢婦女鮮  
衣華飾求薦寢殆夢覺宛然在旁到明始辭去  
次夕方闔戶燈猶未滅又立于前復共枕自述

其所從來曰我鄰家女也無多言經旬日張意頗忽忽主人疑焉告曰此地昔有縊死婦人得非所惑乎張秘不言須其來具以問之略無慚諱色荅曰是也張與之狎不甚畏委曲扣其詳曰我故倡女與客楊生素厚楊以貲二百千約以禮娶我而三年不結盟我悒悒成疾求生不能家人亦見厭不勝憤鬱投繯而死家以所居售人今為旅舍此室實是故樓尚眷戀不忍捨揚客與爾同鄉人亦識之否張曰識之聞移饒

州市門娶妻開郎生計絕如意婦人咨嘆良久  
曰我當以始終託子矣憶有白金五十兩埋床  
下人莫之知可取以助君張發地得金如數婦  
人自是正晝亦出他日密語曰父留此金為能  
挈我歸乎張許諾令書一牌曰念二娘位歲於  
篋中遇所啓緘微呼便出張悉從之鄰人謂張  
鬼氣已深必殞於道路張殊不疑日日經行無  
不同處既到家徐於壁間設牌位妻謂其是所  
事仲方瞻仰次婦人遽出妻驚問夫曰斯何人

婺源富民江丙出遊京師娶娼女張為婦江既客死張間關數千里返其柩以葬前妻之子遇之不以禮重困苦之張不能堪恐生他變乃與弟共殺之瘞屍山谷間官司知而利其賄不問平江于文傳為知州嘆曰為子而賊其庶母人道滅矣遂發其事論如法

元史

女史氏曰大戒有二其一有所懣者也其一有所負者也懣則往因負則來果曾子曰戒之戒之出乎爾者反乎爾者也